

Na osnovu člana 32. Zakona o javnim nabavkama Bosne i Hercegovine ("Službeni glasnik BiH", broj: 39/14), a nakon provedenog Konkurentskog zahtjeva za nabavku za nabavku i isporuku kancelarijskog materijala za potrebe JP „Televizija Kantona Sarajevo“ d.o.o. Sarajevo, u skladu sa Odlukom o izboru najpovoljnijeg ponuđača, broj: 01-2475/17 od 08.9.2017.godine

1. **JP „Televizija Kantona Sarajevo“ d.o.o. Sarajevo, ul. Bulevar Meše Selimovića br. 12, koje zastupa mr. sci. Elvir Resić, direktor (u daljem tekstu: Naručilac)**

Naziv banke: UniCredit bank d.d.
Transakcijski račun: 3386902215316670

PDV broj: 200556770003
ID broj: 4200556770003

i

2. **DEFTER d.o.o. Sarajevo, ul. Gatačka br. 20, koje zastupa Refik Redžović, direktor (u daljem tekstu: Isporučilac),**

Naziv banke: Procredit bank d.d.
Transakcijski račun: 1940017902800151

ID broj: 4200303990007
PDV broj: 200303990007

zaključili su

OKVIRNI SPORAZUM

Član 1.

Ovim Okvirnim sporazumom ugovorne strane reguliraju okvirna pitanja vezane za realiziranje nabavke i isporuke kancelarijskog materijala.

Ovaj Okvirni sporazum ne predstavlja obavezu Naručioca na nabavku robe od Isporučioca. Obaveza nastaje tek kada se zaključi ugovor o javnoj nabavci ili se ispostavi narudžbenica od strane Naručioca, u skladu sa uvjetima iz tenderske dokumentacije i važećim propisima.

Član 2.

Okvirni sporazum se zaključuje po okončanom postupku javne nabavke potpisivanjem ugovornih strana, a primjenjuje se od datum potpisivanja Okvirnog sporazum na period od 12 mjeseci.

Okvirni sporazum primjenjuje se za pojedinačnu i sukcesivnu isporuku kancelarijskog materijala po zahtjevu Naručioca vezano za orijentacione količine iz specifikacije, a ograničeno do maksimalne finasijske vrijednosti u iznosu od 15.000,00 KM bez PDV.

Ukupna vrijednost okvirnog sporazuma ne može biti veća od 15.000,00 KM bez PDV-a.

Član 3.

Na osnovu ovog Okvirnog sporazuma ugovorne strane za prvu nabavku robe će zaključiti Ugovor o međusobnim pravima i obavezama radi realiziranja Okvirnog sporazuma do iznosa i perioda definiraniranog članom 2. ovog Okvirnog sporazuma.

Tokom preostalog ugovornog perioda pod pisanim oblikom ugovora smatrat će se i ispostavljena narudžbenica od strane Naručioca.

Član 4.

Isporučilac se obavezuje da će robu koja je predmet ovog Okvirnog sporazuma isporučivati Naručiocu u sjedište JP „Televizija Kantona Sarajevo“ d.o.o. Sarajevo, Bulevar Meše Selimovića 12, prema ponudi, broj protokola: 01-2424/17, u skladu sa:

- pojedinačnim ugovorima ili izdatoj narudžbenici od strane Naručioca koja se može smatrati pojedinačnim ugovorom
- uvjetima iz tenderske dokumentacije i
- uvjetima iz prihvaćene ponude.

Član 5.

Za period naveden u članu 2. ovog Sporazuma neće se primjenjivati odredbe propisa kojim se uređuje postupak javne nabavke.

Za sve što nije regulirano ovim Okvirnim sporazumom ili pojedinačnim ugovorom sklopljenim na osnovu ovog Okvirnog sporazuma primjenjivat će se odgovarajuće odredbe važećeg Zakona o obligacionim odnosima.

Član 6.

Odredbe ovog Okvirnog sporazuma ne mogu se mijenjati nakon njegovog zaključenja.

Član 7.

Sve eventualne nesporazume ugovorne strane će rješavati dogovorom, a ako u tome ne uspiju eventualne sporove rješavat će nadležani Općinski sud u Sarajevu.

Član 8.

Okvirni sporazum sačinjen je u četiri (4) istovjetna primjerka od kojih svaka strana sporazuma zadržava po dva (2) primjerka.

Član 9.

Ovaj Sporazum stupa na snagu danom potpisivanja od strane zadnje strane potpisnice.

ZA NARUČIOCA:

DIREKTOR

mr. sci. Elvir Resić

ZA ISPORUČIOCA:

DIREKTOR

Refik Redžović



0612/2017

04-10-2017

br.: 01-2600/H
datum: 28.05.2017.god.